

Akanaka Murangariro MuMagwaro - Good Mind Scriptures

Mako 5:15 Vakati vasvika kuna Jesu, vakaona murume uya akanga akabatwa neRegioni ramadhimoni, agere ipapo, akapfeka uye ava munhu kwaye; uye vakatya.

Ruka 8:35 uye vanhu vakabuda kunoona zvakanga zvaitika. Vakati vasvika kuna Jesu vakawana munhu akanga abuda madhimoni maari, agere pamakumbo aJesu, apfeka uye ava munhu kwaye, vakatya.

Mabasa Avapostori 17:11 Zvino vaBheria vakanga vane tsika dzakanaka kupfuura vaTesaronika, nokuti vakagamuchira shoko nemwoyo inodisia uye vachinzvera Magwaro zuva rimwe nerimwe kuti vaone kana zvairehwa naPauro zvaiva izvo.

Mabasa Avapostori 20:19 Ndakashumira Ishe nokuzvininipisa zvikuru uye nemisodzi, kunyange ndakaedzwa zvikuru nerangano dzavaJudha.

VaRoma 7:25 Mwari ngaavongwe kubudikidza naJesu Kristu Ishe wedu! Saka naizvozvo, ini pachangu, mupfungwa dzangu, ndiri muranda kumurayiro waMwari, asi panyama muranda kumurayiro wechivi.

VaRoma 8:6 Nokuti kufunga kwomunhu wenyama ndirwo rufu, asi kufunga kunotongwa noMweya ndihwo upenyu norugare;

VaRoma 8:27 Uye iye anonzvera mwoyo yedu anoziva kufunga kwaMweya, nokuti Mweya anonyengeterera vatsvene maererano nokuda kwaMwari.

VaRoma 11:34 “Ndianiko akaziva pfungwa dzaShe? Kana akava mupi wake wamazano?”

VaRoma 12:2 Musaramba muchizvienzanisa namaitiro enyika ino, asi mushandurwe nokuvandudzwa kwefungwa dzenyu. Ipapo muchakwanisa kuti muedze uye mugoziva kuti kuda kwaMwari ndokupi, kuda kwake kwakanaka, kynomufadza uye kwakakwana.

VaRoma 12:16 Garai zvakanaka mumwe nomumwe. Musazvikudza, asi muve nechido chokufambidzana navanhu vapasi pasi. Musazviita vakachenjera.

VaRoma 14:5 Mumwe munhu anokoshesa rimwe zuva kupfuura rimwe: mumwe munhu anoti mazuva ose akafanana. Mumwe nomumwe ngaazvizivire kwazvo mumwoyo make.

VaRoma 15:6 kuti mukudze Mwari naBaba walshe wedu Jesu Kristu nomwoyo mumwe uye nomuromo mumwe.

1 VaKorinde 1:10 Ndinokukumbirai zvikuru, hama, muzita ralshe wedu Jesu Kristu, kuti imi mose mutaure chinhu chimwe, kuti pakati penyu parege kuva nokupesana uye kuti mubatanidzwe zvakanaka pamurangariro mumwe nomukufunga.

- 1 **VaKorinde 2:16** “Nokuti, ndianiko akaziva murangariro waShe kuti amudzidzise?” Asi isu tino murangariro waKristu.
- 2 **VaKorinde 7:7** kwete nokuda kwokuuya kwake bedzi, asiwo nokuda kwokunyayradza kwamakamupa. Akatiudza nezvokundishuva kwenyu, kusuwa kwenyu kukuru, nokuva nehanya kwenyu pamusoro pangu, saka mufaro wangu wakava mukuru kwazvo.
- 2 **VaKorinde 8:12** Nokuti kana chido chiripo, chipo chinogamuchirwa, maererano nezvine munhu, kwete maererano nezvaasina. (1 Chronicles 28:9)
- 2 **VaKorinde 9:2** Nokuti ndinoziva kuda kwamunako kuti mubatsire, uye ndakanga ndichizvirumbidza nokuda kwaizvozvo kuna veMasedhonja, ndichivaudza kuti kubvira gore rakapera, imi vari muAkaya makanga matogadzirira kupa; uye kushingaira kwenyu kwakamutsa vazhinji vavo kuti vapewo.
- 2 **VaKorinde 13:11** Pakupedzisira, hama, chisarai. Shingairai kuti mukwaniswe, teerera kuchikumbiro changu, ivai nomufungo mumwe, garai murugare. Uye Mwari worudo norugare achava nemi.

VaEfeso 4:23 kuti muitwe vatsva mukufunga kwendangariro dzenyu;

VaFiripi 2:2-5 ipapo itai kuti mufaro wangu uzare nokuva nomurangariro wakadaro, muine rudo rumwe chete, muri vamwe mumweya nechinangwa. 3 Musaita chinhu nomwoyo wokuchiva kana kuzvikudza, asi mukuzvininipisa muchionawo vamwe kuti vari nani kupfuura imi. 4 Mumwe nomumwe wenyu ngaarege kungotsvaka zvake, asi zvavamwewo. 5 Kufunga kwenyu ngakuve sokwaKristu Jesu:

VaFiripi 4:2 Ndinokumbira zvikuru kuna Yudhia uyewo ndinokumbira zvikuru Sindike kuti vatenderane muna She.

VaFiripi 4:7 Uye rugare rwaMwari, runopfuura kunzwisia kwose, rucharinda mwoyo yenu nemifungo yenu muna Kristu Jesu. (Isaya 26:3)

VaKorose 3:12 Naizvozvo savasanangurwa vaMwari, vatsvene uye vanodikanwa kwazvo, zvifukidzei netsitsi, nounyoro, nokuzvininipisa, nokupfava uye nomwoyo murefu.

2 **VaTesaronika 2:2** kuti murege kuzungunuswa kana kuvhundutswa nechimwe chiprofita, chiziviso kana tsamba inonzi yakabva kватiri, ichiti zuva raShe ratosvika.

2 **Timoti 1:7** Nokuti Mwari haana kutipa mweya wokutya, asi mweya wesimba, noworudo nowokuzvidzora.

Tito 2:6 Zvimwe chetezvo, kurudzira majaya kuti azvidzore.

VaHebheru 8:10 Iyi ndiyo sungano yandichaita neimba yalsraeri, mushure menguva iyoyo, ndizvo zvinotaura Ishe. Ndichaisa mirayiro yangu mundangariro dzavo, uye ndichainyora pamwoyo yavo. Ndichava Mwari wavo, uye vachava vanhu vangu.

1 **Petro 1:13** Naizvozvo, pfungwa dzenyu ngadzigadzirire kushanda,

muzvidzore; muise, zvizere, tariro yenu panyasha dzamuchapiwa pakuonekwa kwaJesu Kristu.

1 Petro 5:2 **Ivai vafudzi veboka raMwari riri pasi penyu, muchibata savatariri, musingazviiti nokuroveredzwa, asi nokuda kwokuti munoda, sezvinodikanwa naMwari kuti muve; musingakariri mari, asi muchishingaira pakushanda;**

2 Petro 3:1 **Vadikani, zvino iyi ndiyo tsamba yangu yechipiri. Ndakanyora dzose dziri mbiri sechiyeuchidzo, kuti ndimutse ndangariro dzenyu pakufunga kutsvene.**

Jakobho 1:17 **Chipo chose chakanaka uye chakakwana chinobva kudenga, chinoburuka chichibva kuna Baba wezviedza zvokudenga, asingashanduki semimvuri inopinduka. (Jobho 23:13)**

Zvakazarurwa 17:9 “**Izvi zvava kuda pfungwa dzine njere. Misoro minomwe ndiwo makomo manomwe anogarwa nomukadzi uyu.**

Akaipa Murangariro MuMagwaro - Bad Mind Scriptures

Mako 7:21 **Nokuti kubva mukati, kubva mumwoyo yavanhu ndimo munobuda mirangariro yakaipa, upombwe, kuba, kuuraya, ufeve, (Ezekiel 38:10)**

Ruka 12:29 **Musaisa mwoyo yenu pane zvamuchadya kana kunwa; musafunganya pamusoro pazvo.**

Mabasa Avapostori 12:20 **Aisipopotedzana navanhu veTire neSidhoni, vakanga vabatana pamwe chete vakatsvaka kuti vataurirane naye. Vakati vawana rutsigiro rwaBhurasto, muranda akatendeka wamambo, vakakumbira rugare, nokuti vaipona nenyika yamambo, nokuti ndikwo kwavaiwana zvokudya.**

Mabasa Avapostori 14:2 **Asi vaJudha vakaramba kutenda vakamutsa mwoyo yavaHedheni uye vakavakanganisa pfungwa dzavo kuti vavenge hama.**

VaRoma 1:28 **Pamusoro pezvo, sezvavasina kufunga kuti zvakakodzera kuva noruzivo rwaMwari, akavaisa kumurangariro wokurasika, kuti vaite zvisakafanira.**

VaRoma 8:6,7 **Nokuti kufunga kwomunhu wenyama ndirwo rufu, asi kufunga kunotongwa noMweya ndihwo upenyu norugare; 7 nokuti kufunga kwenyama kunovenga Mwari. Hakuzviisi pasi pomurayiro waMwari, uye hakugoni kuzviita.**

VaRoma 11:20 **Ndizvozvo. Asi akavhuniwa nokuda kwokusatenda, uye iwe unomira nokutenda kwako. Usazvikudza, asi uve nokutya.**

2 VaKorinde 10:5 **Tinoputsa kukakavara nokunyengera kwose kunozvikudza kuchipikisa kuziva Mwari, uye tinotapa mifungo yose kuti iteerere Kristu.**

2 VaKorinde 11:3 Asi ndinotya kuti sokunyengerwa kwakaita Evha nenyoka nemano ayo, ndangariro dzenyu dzingangotsauswa kubva pakururama nokuchena kwomwoyo, pakuzvipira kuna Kristu.

VaEfeso 2:3 Isu tose taigara pakati pavo pane imwe nguva, tichikudza kuchiva kwenyama yedu yezvivi uye tichitevera zvido zvedu nezvataifunga. Sezvakangoita vamwe vose, pakuzvarwa kwedu takanga tiri vana vokutsamwirwa.

VaEfeso 4:17 Saka ndinokuudzai izvi, uye murambire pazviri muna She, kuti hamufaniri kuramba muchirarama savaHedheni, muupenzi hwendangariro dzavo.

VaKorose 1:21 Kare makanga muri vatorwa kuna Mwari uye maiva vavengi mupfungwa dzenyu nokuda kwetsika dzenyu dzakaipa. (Fananidzo 21:27; Ezekiel 23:17)

VaKorose 2:18 Musarega munhu upi zvake anofarira kuzvininipisa kwenhema uye kunamata vatumwa achikutorerai mubayiro wenu. Munhu akadaro anorondedzera zvikuru pamusoro pezvaakaona, uye nokufunga kwake kwenyama anozvikudza pasina.

1 VaTesaronika 5:14 Uye tinokukurudzirai, hama, kuti tuyambire avo vano usimbe, mukurudzire vanotya, batsirai vasina simba, muite mwoyo murefu kuvanhu vose.

2 VaTesaronika 2:2 kuti murege kuzungunuswa kana kuvhundutswa nechimwe chiprofita, chiziviso kana tsamba inonzi yakabva kватiri, ichiti zuva raShe ratosvika.

1 Timoti 6:5 uye nokupesana kusingaperi pakati pavanhу vane murangariro wakaora, vakabirwa zvokwadi uye vanofunga kuti umwari inzira yokuwana nayo mari.

2 Timoti 3:8 Sezvakaita Jonasi naJambiresi vakadzivisa Mozisi, varume avawo vanodzivisa zvokwadi, vanhu vane ndangariro dzakaora, kana pari pazvinhu zvokutenda, vakarasika.

Tito 1:15 Kune vakachena, zvinhu zvose zvakachena, asi kuna avo vakaora uye vasingatendi, hakuna chinhу chakachena. Asi kutoti zvose pfungwa dzavo nehana dzavo zvakaora.

VaHebheru 12:3 Cherechedzai iye akatsunga pakupikiswa kwakadai navatadzi, kuti imi murege kuneta nokupera simba mumwoyo menyu.

Jakobho 1:8 munhu ane mwoyo miviri, anongoshanduka-shanduka mune zvose zvaanoita.